

國朝名臣錄
後六

國朝名臣言行錄後集

卷之十一

金尚容

仙源文忠

李廷龜

朴東亮

梧窓錦溪

卷之十二

金塗

北渚昇平

李貴

默齋延平忠定



金

李

香

什



金

卷

國朝公出書代續列集

國朝名臣言行錄後集卷之十一

金尚容 文忠公



字景擇號仙源安東人嘉靖辛酉生萬曆壬午進士
庚寅登第薦入史局歷三司吏郎大成大諫大憲兵
吏判官至右議政丁丑殉節于江都年七十七

生而端穎異凡兒稍長卽不妄言笑在羣兒中動止自矩
識者知其為宰輔器十三從赴先君楊口縣邑居山水
多童子觀遊之樂跡不出衙門終日屈首佔畢居室之
內寂若無人

壬辰亂初公與申文貞欽同在鄭相澈幕下俱以清裁鑑

密著聲大小幕僚之辟皆願得二先生為重故道路戎馬之間勞勩最多亡何 皇帝遣監察御史陳效監東征諸軍以問禮官往義州還朝擢拜同副承旨公資序尚淺於格不當注擬而出於特命蓋異數也

辛丑春拜大司諫公感不世之遇思有以一言報答會召對策邊事公卿滿前公進曰方今言路杜塞宮禁不嚴此皆 聖德之大累治道之痼病臣請先務內脩以立禦外之本可乎 上曰爾謂不嚴何事毋敢有隱對曰臣聞其因自負奧力其弁陰圖節鉞人皆以為妄已而果驗民庶竊疑之然此豈 殿下所知者哉必有小人

從吏為交通之階者乞賜痛斷 上未答 玉色甚厲
左右縮頭莫有繼之者故相沈公喜壽宗伯李廷龜等
啓曰此事民間謹言已久臣亦聞之諸臣無不聞之特
畏懼不敢盡言其獨言之可謂鳳鳴朝陽於是 上改
容溫諭既退戚里禁鬻家相傳 上震怒有所責問宮
中惕息累日云

有矢志醜正者伺 上意使所善嶺南人投疏故舉己丑
治獄大臣以激 上怒時事日變又有素忤而其子姓
尚翁主新得倖者蚤緣鑽入驟長銓衡遂肆意斥陟首
逐公為定州牧使長子死未葬不顧而行抵官十日詔

使顧天峻崔廷健遽至使體與古學士大異有急難應副者陽怒他事甚生開端一州驚擾幾欲爲竄公能勿動追至嘉平卒成禮而去公不以遷客自處精勤於職爬搔垢弊宿瘼爲之一洗又以間飭學宮修學文事隸諸生親加獎誨遂彬彬成就開廢渠灌田數千頃民大蒙利公雖不好赫赫聲而報政爲一道冠屢蒙褒賞秩滿還朝髭白擁車道爲之枳後追思碑之

癸丑四月朴應犀獄起先朝重臣名士少獲免者公亦被逮光海親問察其枉即日命擇奸黨深忌公必欲得甘心而平日行事雖善毀者無可指摘竟不能以有

加也公入獄置對自若出亦自若見者益驗其操守不惑

庚午公年七十上章請致仕上以時事艱虞溫旨勉留再讀又不許上何譴罷時章陵有可修可無修未及請章陵者即上親考定遠大阮君追尊為元宗大王之陵也初議宗奉廷論久爭執既舉典禮上猶內疑羣臣不盡心特推禮官之長以示驚動

壬申拜右議政有士族女坐沮呪繫金吾者其事不明無可證衆口譁然稱冤而諸勲貴多有為一邊地上八前言命會三省雜治之公以為疑獄不可徑蔽上章持

已見固辭按獄之命 上雖允其辭而內不悅頗示微
旨公不安居位遂請急斬釋端揆章七上 上亟遣近
臣慰諭不已不獲已復出時設追崇都監都提調必用
大臣監臨首相尹公病辭先生次當代位屢勉承之公
始與大臣百僚共力持不可至是不強避蓋議禮行禮
未定既定之異勢也

先是參議俞伯曾上疏力詆大臣其言絕椎幾於罵羅万
甲亦極論時政闕失因指斥掖庭 上大怒並嚴譴先
生劄陳狂臆之言宜加寬貸不納時言路久閉稍涉忌
諱握手相戎間有明白是非者輒疑護黨故無敢為

上言之先生居常憂歎自以脩列大臣不可循嘿以負
國恩索言不避或諷其不知時變先生喟然不答果以
是去位

司諫趙綱上疏論左相洪瑞鳳受人賂馬請逐之左相嘗
公言綱小人後必為厲階綱聞而啣之至是乃發然實
不知其所言 上亦疑之召綱問誰受綱不首贅舉左
相他汚狀欲甚其罪 上益疑之欲廷尉問問諸大臣
公以為朝廷固重臺諫顧未愈於重大臣綱所言非細
事不可不校適首相昇平公議亦如之於是下綱埋外
議譁然非之臺諫又爭執 上反咎前議是非無主右

網者至謂大臣專主護黨禁訕已甚公慙不樂在朝復
請致仕章三上不許溫諭特示悔意

丙子十二月十二日義州告急書至倉卒下教老病宰臣
先出十四日命尹相昉奉 廟社先詣江都公逆後行
道頓撼疾甌幾不得遂是日賊兵過松京撥軍盡走羽
書不時至 上將出戎有司城中擾亂號令不得行百
官失氣多有徒步奔走者士女填道哭聲沸天至晚
車駕始發侍衛州草不成列未及城門報賊哨馬已至
西郊上下錯愕計不知所出羣臣或勸 上姑幸山城
遂回駕由水口門入南漢而江都路隔斷矣賊圍山城

半月諸道勒王師無至者忠清監司鄭世規引兵先至
遇賊軍潰後來諸軍觀望不進城中日益危急江都檢
察使金慶徵副使李敏求留守張紳皆擁妻孥挾私重
不思守戰脩惟日事宴安人有規警必盛氣逆折苟觀
者無不寒心公憂患特甚舊曰行在受圍日久危在朝
夕今鄭世規敗道路傳言已死湖西無主事者江都檢
察一人足了副使冝急注湖西收散卒糾義旅督湖西
兵在後者以鎮軍民之情赴君父之急機不可緩敏
求殊無意行至涕泣危惧座中皆憚慶徵敏求無復明
言但視其意所在為遷就之說而已公又言山城消息

不通急募死士門上起居探賊形勢十注必有一達
臣子之義豈可束手坐觀乎慶徵等益惡聞相與詆之
曰自有權此者非避亂大臣所預公遂不復言亡何通
津假守金迪報賊大至張紳慶徵皆不信曰唉怯夫江
水流澌賊安能飛渡軍事視如他日至正月二十一日
賊渡津口用平底二小舫載十數人嘗試我忠清水
使姜晉昕先走檢察留守諸官一時奪舫遁去賊遂進
兵圍城公知事不濟與家人訣上南城譙門中解所服
戎衣授僮人放火自燒意留以為復也孫壽同年十三
時在側命僕掖歸挽衣泣不去曰當從翁逝尚何歸僕

亦不去遂同死實二十二日壬戌也

公為人愷悌誠實容貌粹夷其內如外與人處和易絕無畦畛而中實毅然有不可奪之志少時侍王母疾不解衣者三月以身代親忘其勞晚築楓溪水石先君子悅其勝肩輿日注來而性喜客所至無虛席公輒營具捧味以進及佳辰壽節座客無間貴賤下至伶工伎樂必致親意所嚮者靡不曲盡仲氏長湍君瘟病死親自棺斂不避叔氏參奉君沒大夫人痛不欲生公恐重傷其意自外歸和色而後見慰諭百方而其自與諸弟私痛若喪手足不令二親知也俸祿半入孤寡貧窮之家家

無餘蓄嘗召匠修屋既周視私語人曰所出入多未見
貴家空空若此雖習於公者外觀池台花竹之美意公
非寒儉而實不知家人內困也患世俗侈靡無度享先
以美沒禮貧者多由廢祭非先王制禮之意著祭式以
訓子孫燕居不御采服常食不設盛饌取古人勢不可
倚盡福不可享盡等語書諸座隅以寓戒

性嗜書無一日不開卷多蓄古今法書名畫環列左右
戲伎駁雜之戲無所好為文辭達而理勝詩亦清腴合度
不以此自名筆法端麗小楷深得二王遺模 國家廟
主多公筆最精於鳥跡史籀之體獨擅一代薦紳間求

篆墓石者無兩適至有改碑而更磨之必得公篆以為重也

三八銓曹不濡滯或坐事徑去而初無戀位意忤幸相七年三黜皆閼塞嶺海之遠人所厭苦而夷然處之其為宗伯贊相大禮進止雍容不爽尺寸庭之威目屬之視作穆陵領其事者好矜氣數以小苟禮相侵公受而不較屢長部治金吾凡所斷讞以情輔法不輕為操切一歸於公直忠厚自持逆卿月以至三事入而告旃屢坐與諸公講畫其陰濫於小民而可著為絜令者不易數獨公素謹於溫室當世外乘又甚鹵莽以是人鮮知

者

金清陰
撰行狀

在江都或勸具舟以備緩急公歎曰主上在圍中安危
不可知宗社元孫皆在此万一不幸有死而已安所

偷生自是無敢復言

清陰撰
神道碑

金文忠公尚容在宣廟朝陳于榻前曰士大夫書札之
行於兵吏曹者已是可駭事而近日則婦女謔札公行
於兩銓至有由此得官者此習不止終必為亡國之兆
也至光海朝其言果驗

仁祖改玉之初諸勲臣意欲盡革舊事雖其不可廢者事
在光海朝者則它欲改易乃已金相國尚容進于上

曰人之勤于梳頭者或千梳或百梳而猶不能盡祛膩垢夫日以千梳之勤不得盡祛一頭之垢則何能以一人之力一朝而盡易一國之事乎為國之道視其太甚而更張之可矣不察事之是非一以革舊為心則民不

勝其擾也

並東平尉鄭載
嵩公私見聞

丁卯胡差劉海與姜弘立朴蘭英由開城府豐德入行朝報至都中以賊兵已迫一時奔潰金尚容急令手下所率放火于御庫兵戶曹大倉宣惠廳京營庫亦有木綿諸庾國儲於是蕩然尚容卽走江都露梁津頭有糧千餘石亦盡散失呂祖吉收得數隻舡僅載二百石而去

雜錄
時公為留都
大將呂相吉為副

領府事金尚容在南門上見清兵四圍拋火藥櫃而坐尹
昉步至門下曰相公必欲死乎欲死則吾亦欲同死府
事曰何必死蓋知昉不欲死故也昉乃過去府事謂侍人曰宵中
鬱塞欲吸烟艸爾其取火來侍人以府事曾不吸烟不
從其令府事又令急取而來仍麾他人之在傍者令遠
去別坐權傾長生負金蓋兼曰相公獨為好事耶終不
去府事遂投火於櫃中人物與門樓皆飄颻無所見離亂

記日

李廷龜 文忠公

字聖徵號月沙迤安人嘉靖甲子生 宣祖十八年
乙酉進士二十三年庚寅登第選入史局歷春坊吏
郎承旨京畿監司戶禮兵吏判典文衡 仁祖朝拜
相至左議政乙亥卒年七十二

生八月能行走自學語知文字六歲姆抱坐門外見醉人
過前橋時楊花飛笛聲起公語其事言如歌曲姆奇之
告議政公議政公問曰汝能以此為詩句乎公應口對
曰扶過小橋外楊花爭亂飛何處數聲笛吹來醒醉耳
又見公子醉過作句曰金輪踏香艸白馬卽醉去世穠

神童

趙浦渚翼
撰行狀

竒自獻與公同開公七歲時竒嘗解錦帶以與公公不受
或問其意公曰竒帶豈可受也

張豁谷維
撰行狀

壬辰夏日本入寇上召公卿計邊事公以假註書入侍
公英姿秀出上固已屬之記注之際鳴毫颯颯敏捷
可觀上竒之從香案上數數下視御研墮落墨漬公
衣促命中涓拂拭人為公滌之

宋經略應昌來駐定州欲資講學請見文學之士公與黃
文敏慎應蓮講大學章句經略推鵝湖不許公襲洛閩
公為著說力辨同異多所發明大被賞譽剗剗而行之

已而經略大會諸將麟玉相錯亾敢闖門而與巡按御史獨引二公進之慰獎甚勤見者無不嘖嘖豔稱金清尚

憲撰神道碑

公嘗直春坊梁按察粹至闕下宣廟蒼黃出接御前通

官未及到政院請召公入侍應對甚稱旨按察亦喜曰

春坊學士乃能解華詔耶宣廟謂承旨曰不料李廷

龜多才至此也自此益蒙知眷命超七階授三品准

職綸谷撰行狀

闕王廟初成天將泃奠臨行請上同奠倉卒行出奠須

有文乘輿已駕請宣召知製教宣廟特命公製之

公承命立製以進有鳳眼虬髯森然若見赤兔偃月新

回酣戰亦句 宣廟大稱賞賜錦段其後 親祭揚遼

擊祭文及答經理揭帖皆命公製進輒賜錦段每接見

天將以御前傳譯入侍時天將蒲城大提學久曠槐院

酬答之事皆委之公公既奔走接遇又酬酢文書其製

作多在公廳紛擾之中或立書口號夜以達曙膏病數

日不得詣闕 宣廟問近日李其何去其眷顧如此

撰行狀

戊戌秋資畫主事丁應泰誣奏楊御史為脩劬地 宣祖

為奏白之應泰恨我移仇又為惡語誣奏多有不忍聞

者 天子下其書中朝官襍議之虞狂不測 上避殿
席藁遶使籲寃特拜鰲城李公恒福為右相充上使銓
曹初以他重臣有名者為价李公欲得文苑第一流而
難其人請以申公欽為書狀 上下教曰予觀李某長
於辭命其文章蘊藉典重且有計慮亡踰此人者李公
白本欲上請以其官小故不敢於是陞公嘉善大夫工
曹參判代副使公上䟽辭謝 上曰國事甚急卿毋讓
至京納奏又詣閣部省寺科道皆有奏記三十九篇公
悉為之迂臣覆奏該國奏文明白洞快讀之渟渟欲
下得旨應奉私忿妄訐幾誤大事着面籍聽勘該部移

咨慰諭本國俾知朕終始字恤德意復命 上大喜引
見賜臧獲田租如功臣重加一階

始議奏辨選詞臣數人各撰奏以進 上竟用公文就應
泰所誣隨辨甚哲至廟號一款直示小邦自前世以來
國內臣民謬為私尊沿襲未革事實妄作意非干犯首
相柳公成龍謂此大事誅責不小不可首實議有異同
上以為君臣猶父子安有可諱遂定不改逮會議諸訖
者讀奏至此相顧謂曰事君無隱真禮義之邦也

地部缺判書 上命勿計資秩擇擬 上意先已注公遂
增秩長度支公屢辭許遲未得代會遇 王妃喪大臣

以為此時非某不可請還度支無提調國葬都監國無
羸蓄事多趣辦公裁處得宜大事毋乏先是市法無藝
暴斂薄佑下不堪命公請發諸司公帑先予浚取求猾
胥之弄奸者而親自揀閱一繩平準事集而費省人大

悅服

並金清陰尚
憲撰神道碑

移拜禮曹判書 大行王后發引至因山翌日將下是夜

靈帷殿火 梓宮幸得奉移而万众譙譁大亂公令曰

諸執役人等各持其物以避火胥浚令否者有重辟火

既滅公按簿點閱無所遺失乃遣郎官馳 啓遂告于

世子及扈護使扈護使喜曰得公為禮判浚何憂哉乃

先行慰安祭用初卜吉時下玄宮如儀公又言曰今日不幸遭大變而冊寶諸器物幸無損污請令三司六卿諸官一一審視然後掩壙皆曰然由是既事退而人無異議公之力也

谿谷撰
行狀

嘗於筵中金公尚容以大司諫極論宮禁不嚴請謁恣行上震怒曰爾為諫官何不盡言殫劾左右悚悸莫敢言或以為狂戇失言公曰尚容之言非失言也自上當體念有則改之無則加勉上意稍解曰予無如是之事然當申戒宮中也

詔使顧天峻崔廷健來公為遠接使以朴東說李安訥洪

瑞鳳為從事金玄成車天輅為製述官權輿以白衣行
韓獲逋加平行世傳幕府文會之盛古所未有辟朝

宣廟手腕所御貂帽以賜公跪奉以退 御汗猶在終

身戴首剝落已盡而不改擬行狀

甲辰正月因天變應 旨上萬言封事請修軍政以飭武

備振紀綱以尊國體結人心以召和氣開言路以集羣

策恢公道以廣人才修實德以應天譴

乙巳求外拜京畿觀察使以厲風教修廢墜為先務建圃

隱書院于龍仁重新崇義殿請以其裔孫王鵬為殿監

修治水原竹山二山城儲峙糧械為緩急備並繕行狀

時方設局纂東國詩文尹文貞根壽李近陵好閔生其事
白上李其雖任藩寄此局上不可無此人許令注來

參定

神道碑

無知義禁會有無名子書泮宮廡壁暴當路隱惡州臣遂
起大獄爰者甚衆賴公救解頗得全活宣廟尋廣詢
理官公極言冤狀遂盡釋之

拜兵曹判書光海初襲位過自危疑發兵圍宮城久而不
罷將士暴露甚苦人莫敢言公為啓罷之亂後軍功輸
粟人亦國家無甚酬報而勒令輪回上番謂之一朔禁
軍人皆穢冤公又啓請罷遣第令有事則赴防而已大

行發引時所用軍丁六千餘名例當徵發諸道公請以五部坊民調用之遂為定式天使時外方人丁服役都監者累千名馬亦以百數大為民弊公建請量宜收布以崔募內外皆以為便而羨布尚有三千餘疋遂用此

重建兵書

並給狀

賜祭勅使熊化來命公館伴相得甚驩每語必稱先生見公唱和詩曰字字唐人魄臨別眷戀不舍以皇華集叙文見屬浚公朝京熊為御史聞公至邀至其第禮甚備使事多有所濟

復為禮判進言魯山君墓在嶺外荒遠之地雖四節本官

令品官設祭而不成模樣夫人之墓在楊州樵童不禁
香火斷絕自古帝王雖前代革世之君皆有崇奉享祀
之典今宜別建祠宇以奉神主每年寒食及兩忌日遣
官設祭四節則守令親祭墳墓所在處另加封植增置

守塚人泣之

浦渚撰
行狀

光海欲追尊生母金氏議舉典禮公以為仲子成風之事
見議春秋漢唐以下大抵不足法請遵皇朝孝宗追尊
紀太后故事禰妃別廟光海必欲禰后使之寢訟領議
政李馨亦皆曰宜從禮官議訟至三四而公堅執不寢
光海不聽竟用后禰

神道
碑

宣廟躋祔公言祔廟後例有耆老儒生歌謠此係彌文況
餘哀未盡不必盡行光海不悅命只行獻軸停結綵亦
事又言該曹典故文籍經亂蕩盡每遇慶禮無可考擬
請就各朝實錄中分吉凶軍賓嘉凡儀註節目可擬
事例抄為一書以便考閱從之

鄭仁弘上劄詆悔齋退溪兩先正太學諸生削仁弘名青
襟錄中光海大怒命倡議攸生削籍禁錮諸生聞之捲
堂而去公詣闕陳啓光海為寢削錮之命唯罷掌務官
遞大司成公又上疏爭之請同被罪謹不許

並谿谷
撰行狀

公言箕子啓我東方文明之化而崇報之典有闕請立崇

仁殿于平壤以祀箕子以其後鮮于寔為殿監主其祀
秩視六品子孫世守焉又請遣臣致祭封墓道修祠宇
增置祭田及守僕凡姓鮮于者復其戶毋籍于軍俾聚
居祠下以供祀事從之

浦渚撰
行狀

術者李懿信上疏請遷都交河事下禮曹都民驚惑涵涵
公極言無故欲移國都此襲妙清遺說寔亡國之言亟
斥妖言以正君心光海大怒下教切責公再啓逾力會
大臣議亦同事遂寢

癸丑爾瞻亦誅死因謀起大獄先朝大臣名士無能免
者公与申公欽黃公慎亦十餘人俱被逮光海親問事

雪卽釋國人初聞公等被逮皆曰豈其有此及聞其出
又皆曰天不可誣也至有上手下涕者公伏闕自劾章
六上溫旨慰遣

國舅金悌男殺死朝廷疑大妃服喪公言父子之倫不
可廢也進喪服時大妃居西內不行朝謁公獨以內
璽提調舉同僚奉慰奸黨請加罪光海不許只遞宗伯

並神
道碑

羣兇謀廢大妃造訛首發其訖幽之西宮錮塞門戶嘗
大旱用故事開南門公与鄭公曄同詣西宮謝西樞新
命見宮門牢鎖艸没中庭二公相對掩泣曰不用開開

門第開閨門則天乃兩爾瞻聞其言將起大獄或解之
曰此詎諧語不亦究爾瞻怒曰詎語亦泣耶然因是事
亦得已時危機日急公知裾作不久扶病訪鰲城李公
於東郊与之訣別有斜陽數行淚立馬穆陵村之句
聞者悲之

已未秋中朝有監護我國之議其實疑我有貳光海間之
憂甚下教李某素善辨誣可差陳奏使即拜判中樞府
事公屢辭不許引見慰諭明年春至京獲伸奉勅將還
神宗皇帝崩公請于禮部入臨大庭鴻臚引班工部
制服同千官行禮於武英殿內閣諸學士皆來視許以

知禮既歸奸黨見公為國再雪大誣為人主所重蓋內
媚欲加以大罪意猶不足前案乃言公在小京刊布私
書漏泄陰事請廷尉問光海不許其所以廢予公者脩
至而責始諫排擊有功之人嗾者遂息始公留館太
子諭德汪輝名臣也求見公文集謝不應又求沿途諸
作公重其人不獲終辭錄示紀行詩數十百篇汪見之
甚愛序其卷而謀鋟梓一時書肆中紙為之貴然其書
在可見無他語矣

癸亥三月今 上反正是夜使者三輩來趣之家人進酒
涕泣却肉曰吾不知舊君之處也先以書送于大將李

貴初以行事得體徐徐進闕下奉旨詣西宮請大妃
復位然後會百僚即位遣大臣告祀太廟於是以公

為宗伯

並神
道碑

將議私廟典禮公言 殿下既繼 宣祖之統其於本生

封號自有 先朝故事惟其屬穉未有明擬蓋 殿下

以孫繼祖而考位闕焉正統固不可紊天倫亦不可闕

今若穉考而不加皇字穉子而不加孝字立支子以主

其祀祀典封號一依德興故事則重宗統報本生之道

似為兩盡矣首相李公元翼以下皆以公議為是從之

谿谷撰
行狀

大妃下書數罪先海令奏請誅之公与李公元翼申公欽
請對極陳不可得回 慈聽廢妃柳氏病卒請遣礼官
及其親属護喪用王子夫人葬禮其反哭也自注迎之
人多公有禮

李适叛 上将邠公請守都城涕泣極諫 上意感動諸
功臣爭功出避公不能止初命公隨 三宮注江都公
自請扈駕 上慰勉不許翌日變計同行湖西至水原
請下 慈教諭諸道曉以逆順至天安捷聞俄有訛言
行在戎巖公進曰忘也賊已敗安敢復來已而果然命
公先往公州相視然後進駐 上御行宮受賀庶事第

黃掌故吏無一人至者手舛儀註口占露布贊相廟
禮設科取士皆於公乎靠行上還公又奉廟主先

八都

並神
道碑

丁卯奴賊入寇拜兼兵曹判書公辭上曰國事至此非
卿不可當此任扈駕入江都和事已成虜遣劉海來
求定盟約公與金蓋國張維承命往見於燕尾亭劉
海初言當絕天朝公批大義痛斥之海頻以虛辭恐
喝久之忽拱手曰素聞朝鮮禮義名今聽諸公語果然
國危如此而猶守忠信不肯度節誠可敬也遂不復相
逼海索歲弊馬牛甚多公又力爭不許只許若干土物

為犒資海又欲於會盟日上親蒞盟壇公又請以次
爭海亦不復強也後海歸天朝每稱我國忠義云

谷銘

撰行
狀

公前在本兵建設營將無事則聽操有變則赴敵中頗廢
弛至是又言敵雖退不可怠備請申明營將之法下所
司行之

戊辰七月拜右議政金國汗書有慢語公上劄請簡使指
幣報書虜主善辭鑄責俾自知悔乃論敵國啓侮以我
無備也今日急務莫先養兵諷者多言歲飢民困然民
困孰如國亡賊未宣待豐年其懇至如此又於經筵請

明教化正風俗宗儒術養矣才召致鴻碩收功康莊益
進聖學務祛病痛 上嘉納並神碑

劉興治擅殺島帥陳繼威朝廷議舉兵擊之公言不稟朝
命徃行討誅非外藩體及入對又力陳不當擊上入
前說不從兵既進興治已去或言當勦島中老弱公又

論其不可竟罷兵

谿谷撰
行狀

癸酉雷震仁政殿公登對極陳應疫弭災之道在人主一
心本源澄澈事事誠宗則天意可感矣已而進先祖文
康公所著大學衍義輯略推衍其說陳宗敬畏戎逸欲
巖內治察民情四條皆因病投藥以致終始眷眷輔益

之義 上手札褒答賜書具

時追崇議久未定一二臣從吏贊成終至入 宗廟序昭

穆公或聯啓或獨啓引經挹禮辭婉理明雖遭震薄可

言輒言言不八輒自効求去大司憲姜碩期大司諫趙

廷虎副提學金光炫亦數十人皆以論禮忤旨譴黜公

一力伸救

並神道碑

公德性和厚風度清爽與人語和氣盎然無纖毫矜持正
當是非去就之際未嘗有所枉屈鄭文肅公曄論當時
人物輒稱公曰和中有確世罕其比

壬辰之亂公奉三登公赴 行在至楊州遇賊匿山谷中

三登公不食數日公涕泣出山求食時賊鋒充斥人烟
斷絕公彷徨無所之忽見一老人坐巖上前置一簞飯
公就拜乞焉其人舉簞与之公辭其半其人曰歸作數
日供可也不顧而去有娣在高陽不知存沒公徃省之
至城山遇賊幾或飛丸三及身而皆不中傷唯穿穴衣
袴而已竟省娣而還京畿監司沈岱軍澄波渡三登公
登公瘦餓欲留一夕公見沈無備知必敗立催發行數
里而賊襲沈壘屠殺殆盡其陷危幸免如是者甚多

五代祖墓在樓院香火久不舉公為定祭式于孫輪行文
康公舊墓未有祠宇公為重建以畀主祀者

公受知 宣廟恩遇之隆迥出今古中遭否運愠于羣小
而操履貞固立朝四十六年九長春官再秉文衡赴京
師傾華使者各四艱危之際竭慮盡誠紓國難雪國誣
增國家之光華者赫赫在人耳目故雖當昏朝奸譖齟
齬必欲置之死地每值國有憂虞事關中朝者不得不
舉公以應之以故屢廢屢起終得免於奇禍

文章天才絕人瞻敏暢達絕無滯澁之態 宣廟最悅公

文初以辨誣奏見禍於中朝東征諸將見其奏者每對
上必稱好文章魯認者我也漂到江浙還亦言南
方士子多傳誦者賀節使臣還自燕京亦言玉田有儒

生出示公奏本寧遠寺僧亦誦公所贈詩問月沙無恙
否嘗換楊御史碑楊得墨本大喜衆中誇示曰朝鮮李
尚書文也汪學士輝旣得公詩鋟行署丞葉世英奉使
滇南以其板本自隨曰當廣布江南以為鄉里榮耀公
嘗赴燕鎮江守將丘坦聞公至出候道左設綵棚供帳
以迎其為羣人所敬慕如此

並齋谷
撰行狀

初母夫人娠公當婉有虎來伏戶外人不敢逐旣婉乃去
鄰里共驚異之至公貴顯咸謂文章炳蔚之徵

嘗奉使閩北還道楓岳有父老數十越疆迎謁自言歙谷
民相公在度支嘗活吾邑不敢忘德各奉酒叩謝然後

去

王世子臨吊歸語僚屬曰李傅位三公居第甚陋其儉約

可貴也

並神道碑

辛丑八月

上開道同知事李廷龜曰亂後田制蕩然無

形量田雖曰騷擾而臣意以為不然京官下去則雖剛
明之人亦不能詳察自今年收穫之後令其邑宰巡審
境內從實報聞然後發遣御史考覈虛實如有隱漏者
重治其守令則必不至騷擾矣但此不可施之於一郡
一縣必使八路並行然後民役無輕重之偏矣當今最

急者無過於此

宣廟實錄



朴東亮

字子龍潘南人號格憲治川紹之孫宣祖己丑司
馬庚寅登第選八史局壬辰兼緡六曹通符年二十
六為都承旨歷大司成大司憲吏曹參判京畿江原
平安觀察使戶曹判書錄扈聖叨封錦溪君階宗祿
癸丑以七臣竄仁廟反正後又配康津癸酉放還
乙亥卒年六十七

九歲侍王母所夜暴雨震雷公整衣起坐王母恠問兒何

為獨坐敬應曰聞迅雷必變王母大異之

金清陰尚憲撰神道碑

壬辰西狩之舉出於倉卒天又大雨夜四鼓下公隨駕暮

抵坡州路且百里上下餒之 上為少留公時為兵曹

佐郎與同舍郎一人發橐茹糗追至則駕已渡臨津船

艤北岸有令鑿沉津船東岸只有一船橐工捩柁離岸

丈公望見有憲官列坐一躍而登一手拉倒蒿工一手

援同舍郎入船相趣而進夜已深矣 上獨御單舸環

衛散亡無復威儀命公同都承旨李恒復召收擔夫公

手一炬行且呼得夫六十人以報 車駕始成行公失

馬與同舍郎並騎一驢馬始達東坡

申樂全謝
全換行狀

至松都公與判書金應南直宿 行宮衛卒夜驚大噪金

公蒼黃欲排門出公持之良久乃定自是金公服公膽

量每有事必以屬公無脩邊卽俄遷正言大臣以脩邊

事重啓遞仍舊

張谿谷維
撰墓誌

駕留平壤臨津師潰賊鋒日逼宣廟召羣臣議去住皆

以咸興可達公以為我往寇亦往與尹公斗壽李公幼
澄請守沮江爭之不得平壤民粹聞大駕將出相率
遮路叫噪亂擊曰棄我而去是殺我也寧死於駕前
毋飽賊刃公入見承旨謂民情如此須姑停行慰諭然
後乃可發也遂稟往書停行字揭示亂民稍退

駕次寧邊決渡遼內附計命光海奉廟社主分朝大小
臣僚先已遁去者多分朝之後扈從大駕僅十餘卽

屬尺公一人公既縮六曹通符又兼脩卽春秋館漢學
教授內乘亦職至博川天黑樹密前衛單甚公誕雷判
書李公恒福騎掠御馬過嶺前茅先導宣廟問知
為某某益重之

並行狀

大憲公以老病屬分朝在路病餽公乞留侍病上許之
大憲公聞公驚起䟽言臣老病力不能羈勒誠不忍又
使臣之子先父而後君也遂促公隨駕

墓誌

車駕久駐義州天兵出緩賊勢小戢朝臣之散去者稍稍
來集醜正之徒窺覬媒進或投䟽或進啓陰膏天心
以甚當事者論議憤激勢將波及於李文翼公德馨金

相應南亦數公公在銓地持平其間務在鎮靜喜事者
滋不悅公遂謁告不出先輩長者如梧陰葉圃諸公貽
書勸駕而牛溪先生書最為婉篤至躬自過存勉以世
道之責

義州為狹斜都會涎行朝士久客經歲自非篤老胥不免
沉酣公鄙之非公事未嘗造請昏夜則輒閉門不出

公素習華語從上接待天將日或十餘遭每當酬酢悉
咨於公公嫻於辭令敏於周旋天將無不目厲之

丁酉倭警渡急中殿出次遂安公以兵官護行用宗室
提搖管宣傳官糾率侍衛夜濟麻田前津夜分船小官

八相失公杖屨指麾賴以利涉

為江原道觀察使過寧越郡酌魯山墓暨納節侍經席
進啓魯山之墓香火久斷斧斤不禁中廟嘗遣承

旨申錦致祭宜舉廢典宣廟亟遣承旨祭之

燹行

為平安道觀察使公素長於理劇能以餘力課學子閱戎
士各有條序左右俱宜每按部所至詢疾苦賑困乏緣
江要害積冰成城以遏虜衝聞帥成允文恃奧援橫恣
不法公詰問得實具聞于朝竟紕允文族子燁為府
庶尹薄有治辨聲而酷暴嗜殺鑄責不悛遂啓罷之

墓誌

林夫人先自叔子信川治所移徙仲子于黃州注來有煒
公又迎至平壤朝夕偕養江湖樓觀選勝稱壽子姓凡
弟左右娛侍遠近艷稱

戊申宣廟大行以公為守陵官其冬林夫人卒公號
擢出外以俟朝旨先海初許遽公聞命奔喪未幾有旨
促還將葬暫許歸視宣廟於艱難中視公如家人父
子公亦感鏤至骨自居方喪若喪者然又復思戀老母
憂心鬱結及遭兩憾言貌憔悴左右不忍見並神道碑
壬子鳳山守申慄嗾人上變士夫多見逮桁楊相枕公以
判義禁治獄心愍之有可以辨其枉者輒隨事為之地

爾瞻之徒側目唾之光海忽下教曰人臣護逆宜同逆
律判義禁某營救逆賊其連金吾爾瞻使其黨劾請拿
鞫只命削職

癸丑大獄起囚羊甲誣引延興為禍首而連及所謂七臣
者方宣廟大漸已慮永昌異日之禍為手教二通
一付光海令善視同氣一以賜七宰臣使保護大君而
奸人樂禍者煽蜚語謂閔闇希騫與柳永慶矯作遺教
禍機之伏久矣至是發於羊甲之供言官柳活亦承柵
奸指論七臣奉承矯旨不自辨明削去仕板既而有鄭
浹之誣公與諸名公同就對獄訖見釋至丙辰秋廢

母之論復起公與諸公同被謫配牙山縣

並墓誌

先海始命逮受遺諸臣以与廷興水火相排為問目公承問目為辭陳其曾与廷興情誼阻隔之狀益丁未年間宣廟寢疾彌留巫卜謂疾祟在裕陵羣注陵下作穰事而宮奴女巫之主張其事者實裕陵時受恩人也朴氏闔門乞欲正其罪而兩人托跡宮禁有忌器之嫌使人微諷廷興廷興不答自此朴氏恨之庚戌公之表姪李公顯美為持平立捕女巫囚之李公用他事遞職不果究治及公置對批稟指陳本無語犯宮闈之端李文忠恒福諸公亦不以是為異而不幸宮中咀咒之獄繼

起兇賊以裕陵事滾成一端拈入頒教以為藉口傍觀者不復究其事之本末生平不相悅者因起而下石傳訛爽實遂為禍階

癸亥反正復公勲封時議追咎癸丑供辭蜚語騰達至請圍籬安置配康津縣公承譴怡然唯命家人多齋衣衾以脩身後而無幾微見色談笑如平日但飲酒數盃而止曰罪名污蔑極矣不敢用酒自寬耳

雖行

公中身容貌黧然胡髯被頰目光炯炯能二十里外人物性喜真率時時不為儒縛其居家事親無不曲盡兄弟相為知己言出莫逆與人處削去町畦胸中無所隱蓄

或言其太露則曰待人先設疑難是我自不信也所至
衣冠如歸談笑溢席相對忘形不知其為貴人也

神道碑

公雖早登名塗深悉朋比之習嘗曰是非何常之有吾膏
中義理自當隨遇而定非可先以彼此為是非如白黑
之辨也然當邪正之際及見人不義輒力加論斥丙申
冬秋浦黃公自日本回於漢江候席顧謂公曰吾行代
公公能知之否公愕曰未也黃公曰吾在奎山時一日
平調信為私語曰聞貴國有朴某者其才譎盛望与公
何如亦被主上所親信耶答曰与吾輩亦耳別無所
親信調信曰近聞貴國諸宰叅使我國一人曰朴某有

才在朝主張時論可因此遣之一人曰某方為主上
所眷注且黃某八來其好為議論有倍於彼可仍送黃
某不數日 朝命果至此誠可異云後頗尋問金冢宰
應南注西崖柳相家所言如此其為一時所憚亦可見
也

居家接物素主惇厚而當奉公益持清裁久托肺腑連姻
椒掖亦未嘗以一毫相干宮人至譬之枯葦蓋言其難
為撓屈也黃公慎乞解大司徒漢陰相使自舉代黃公
以公對李相言或謂朴公不能拒干囑宣家族故感性
復仁厚而然耶既而曰朴公為江原廉使時吾托以堂

從之為平昌守者甚至亡何以公事微過置下考朴公
果無所撓也蓋其一時論朝紳之有才譖者必稱黃檜
原朴錦溪云

鄭決之獄人謂朝夕不免公只閉閣夷然而已鄭錦南忠
信為來候不覺墮涕公則容色不少動鄭歸白李文忠
公李公亦歎服不已至甚彈章污蟻至癸亥極矣亦復
晏然素履自靖一無求辨之意惟聞大臣以臨禍荒亂
伸解者歎曰加蟻強解均為爽實乃因答鄭舍人書略
及之嘗謂錦陽公曰吾於風流標致最服松江鄭相然
於談間時見愠色今吾自忖中心猶無是也毋亦鄭相

清節早樹而一朝具錦姜斐端誠有所不能堪故耶

處康津籬中一不窺外戶宋監司象仁謂曰吾亦久困栢
棘不尤乃爾何自苦如是公曰吾嘗脩位宰相處已之
道要与君不同及乙丑撤籬猶然戶外之跡可數也恒
自靜坐看書淡然与世相忘至於詩章諷詠亦輟而不
為唯惓惓宗國其遇官人輒以軍民利病切於當時施
措者反復甚至

錄家

湖南之俗素號狡悍而公居之人皆敬服得公片言信如
甲令有事走謁扣質及其移去莫不出涕遠將浚亦
餽問不絕謫中遭長姊及夫人之喪子維繼亡羈孤憂

戚人理之所不堪而亦能理遣屢遭機辟不驚不愠曰
黠檢吾心自無些累俯仰何忤常以自警編名臣言行
錄為律身之本頗有所得苟通計筭甘石錄命家言少
善御絕塵如飛磬控隨意財亦不習而能云行狀

壬辰之亂格陰相當軸而白沙李公主中兵公凡有所慮
可以中於軍國機宜者每為二公言之格陰相未嘗不
稱善隨即稟旨施行裨益弘多時天朝大將軍李如松
駐平壤八流言檄召我國大臣聽赴軍前事情叵測格
陰相請獨與公同往卒無責而還諸公為之語曰若以
今日人物較諸三國某甫其為周公瑾乎蓋以公妙年

有膽略能策大事故也

公按江原時聞耘谷元天錫於麗末著詩傷世多所發明而子孫累葉秘其艸藁甚固恐其久而泯也遂力為訪求表出若干篇號為詩史仍記所著年月其下又述跋文俾傳於世其好義闡微多類此

李太鑒格一日謁公公方与南郭公暇席懽語仍注西平韓公第韓公問曰甬涎何所来李以實對韓公稱公兄弟友悌不已曰余少時聞李公浚慶兄弟相愛甚篤一時傳美以為搢紳家模範今世如子龍兄弟友悌之盛當不减李公也

癸亥之禍後輩多不知公之為人論議頗峻如羅公萬甲
洪公翼漢輩亦然及公量移扶安洪公以邑倅至來訪
謫所久而護甚公卒後洪公撰文吊祭其櫬道之甚至
以慮累百千言羅公為安東府伯路過公於忠原一見
便相傾倒至輟行期留陪數日而後去其氣度宏厚朗
懷坦蕩能為異已所悅服者可見也

公自少聰明好學每以早貴鞅掌不能專心問學為恨四
子詩書恒自誦念至老猶不忘晚在遷謫即取心經近
思錄兀然終日而讀之殆不記遍數徒姪參判公滿嘗
曰叔父流離困苦前後數十載人所不堪而處之常裕

然心不少動此讀心經之力也

公於詩未嘗刻意然徃徃造語警切少處 駕龍灣詩曰
地連鴨水充封盡天設鰲峰蜀道難送金南窓詩曰白
也詩無敵義之筆有神輓鄭相彥信而鄭遺命勿柎先
壠復官之命適与遷葬會詩曰佳城再卜非先壠丹旌
新題即舊資此皆見賞於人者

南郭公每稱公詩精雅有致語其源委則實有以過於吾
輩南窓金公亦云人雖南郭能詩固也吾以為梧窓公
詩尤好其長足以相埒而世不能知可歎可歎

並家錄

近世士林所倚有若栢里李公白沙李公玄軒申公湫灘

吳公守夢鄭公而已茲數公者不阿私以廢公論也明
訾公之口哆若南箕公不自白數公者白之衆人所毀
君子所完其言足徵來世永觀

碑銘



國朝名臣言行錄後集卷之十二

金瑬

字冠玉號北渚順天人汝坳之子隆慶辛未生宣
祖二十九年丙申登第選入內司歷春坊玉堂江界
府使癸亥反正超授兵曹判書策靖社元勲封昇
平府院君拜右贊成兼吏曹判書八道都體察使典
文衡丁卯拜相至領議政戊子卒年七十八配享

仁祖廟庭

公纔晬而未能語忽見蝶冒蛛絲便曰蜘蛛食蝶憎哉聞
者異之七八歲能解文字氣像不凡長者命賦聯句卽

應聲曰軍聲動天地見者知其為遠器也

白軒李景奭撰謚狀

嘗從汲誓將金公時獻經略湖嶺為人所誣至削仕版湖

西章甫前後訟寃繼又有諸大臣言如李鰲城恒福李

漢陰德馨力辨久後始叙

尤菴宋時烈撰道碑

為全州判官時方伯新兼府尹一府之事判官實管之簿

積務劇賓客雜還而公左酬右應目閱口授案無留牘

莅任之日有一民訴呈狀以試之公欲罪之則已逸矣

後公適出城東門見一牽馬人即曰此前日呈狀者也

其人乃服吏民神之

戊午賊臣筠射檄西宮將綱打一世士類日以三清結義

三清卽公之所居洞也光海方且鞫問乃集兵衛闕公
與洪公瑞鳳金公尙憲張公維趙參判希逸共待拿命
適首相奇白獻白鞫廳直向嶺東行且陳䟽䟽意指斥
賊筠以此趁未之鞫且朴承宗与甫瞻相軋欲發筠奸
以及甫瞻揭榜城門懸爵賞募能告者有武人閔仁佶
素与筠善知筠事甚細乃䟽陳其狀事得寢

是時倫紀斁絕天地閉塞公膏燕居痛慨志在匡復平城
申相景禎適來見公公知其人沈毅可与同事乃涕泣
言曰古今安有無母之國乎李氏宗杜朝暮移於菴
卓之手吾輩以世祿之臣奈何畏滅族之誅坐視其危

亡而莫之救乎況吾二父同死於國吾二人不同死於
社稷其何以見先人於地下乎申公扼腕促膝曰此
吾志也公仍謂曰欲舉大事必先戴真主然後事乃濟
矣申公即指今上龍潛時君號而答曰先王諸孫
文武神聖無可與比殆天意也公曰此乃宗社臣民
之福也遂定大計相勉以死日夜與之謀畫者平賊及
元豐李公曙綾城具公宏綾川具公仁屋亦也辛酉秋
完豐出宰長湍新置重鎮麾下卒且數百餘人公使子
慶徵再注湍為之約壬戌延平李公貴及完城崔公鳴
吉新豐張公維亦又與之合謀勢益張公為諸公所推

大將號令出於公已而延平為平山府使會有疑延平者泄其謀兩司同請拿問故約日未發而羣情沮矣時平城出為曉星嶺別將綾川亦出守珍島郡公憂大事之不成一日招諸公吏諭以戮力無不樂從訓練大將李興立以張紳之婦翁得聞密謀而疑信半之及注拜公間公言始信而從之哨官李沆亦聽公之為癸亥春上在潛邸時枉顧公第達霄談論時公未嘗私覲有所稟事則令子慶徵注來至是始躬詣上謁公與諸公會于玉城張公之空第凡所布置之方殆盡規畫乃以三月十二日為期先通于諸處至期日公與子慶徵及

申景裕景禋趙滄李聖淵亦率力士往西郊李重老自
伊川任所領其偏裨馳到坡州與長湍兵來會公令中
軍聚將士之散處者結為一陣受諸將禮訖由章義門
而入有一宣傳官以光海命來察城門公命前行斬之
一軍振肅遂入關中奉主上御仁政殿廡下率諸將
以次行禮光海奔迸失其處賊黨逃竄未捕公即分遣
將士踪跡之且令漢城府機察奸細之徒於是請招集
百官疏釋冤獄又請上親幸慶運宮以慈殿下教
頒示于大小臣僚差定尚瑞院一官奉護御寶上卽
位而光海不卽廢公建白曰世祖卽位而廢魯山

中廟反正而廢燕山是皆為宗祀也不有廢也其何以興願早決斷上謙讓不許又以非可擅行必欲須慈殿之教復難其廢字之下公与禮官相議而啓之久而浚始乃勉從焉反正初資揚設施大抵出於公者居多夙宵劬躬罄竭神思數日之間鬚鬢益白

反正初募集兵丁以脩非常諸將各有從事官戎服帶劍建旗而馳乘時逞憾擅作威福者間亦有之公力陳其弊請罷募兵禁戎服後有訟者欲以募軍作隊扈衛公以為都監軍足矣上從公言竟罷之公又啓曰內奴二人有罪者自上特命集示人民莫不欢忭齊家治

國各有次第故內奴伏刑國人皆悅臣不勝欣賀又言
如有入告之事請不時登對 上曰非但此時雖常時
可以面對一日十請庸何傷乎 上方厲精圖治首以
振紀綱革偏黨為務公以為百隸之怠慢已久宜趁此
時先振朝綱兩司即紀綱之所存殆官無朋黨之論糾
正一出於公則人人敬謹誰敢不正而近日護黨之習
已痼紀綱何得以立乎 上曰若有護黨之人便當斫
頭以警他人卿亦雖有大功如有所失則斷不饒貸矣
公再拜頓首以對曰自古作良臣不易為忸臣甚易雖
如臣者他日或不無忸之事如有罪過 聖上豈可

容赦乎

上因公啓命擇淨室以處光海而朝夕之供甚脩及其將
入江華也風日不佳公以水路為憂上使之由陸而
行時廢中殿在魚水堂上謂公曰慈殿下教廢主
夫妻使之各處遠島而予雖受責不忍為也公起拜曰
聖念至此誠有辭於天下後世矣

甲子賊遁反兵漸迫公請自出征上以公為提督軍門
使節制元帥以下朝廷重公出請寢之公扈駕而南
常寢處于行宮之門駕次天安賊敗報至而逆魁
奔逸公乃申嚴警脩設伏益遠方賊之未及傳首也詎

守公州山城以委之公公從上上城中立於上前
手扳所佩劔指畫城内外形勢論防守之策甚悉羣情
倚以為固

乙丑兼吏曹判書公嘗慨然於黨論故逮秉銓專以調劑
為志常謂人曰吾輩出万死反正者為宗社也今若
植黨扶私吾身則固利矣柰非反正之本意何以此不
分私目雖平日擠公者隨才甄叙後輩多不悅先是吳
公允謙為銓長時欲擬南以恭於清望而未果亮平李
相亦以為南以恭雖与柳朴相親乙未年間重被罪罰
且無大疵類而不見收用誠可惜也公初擬以恭於大

大諫也問諸玄軒申相申相曰曾聞大論初發人有探
試其意者以恭曰寧斬吾頭去不忍為此吾甚壯之完
平又贊之公意乃決至是南以恭為大司憲朴堧俞伯
曾羅万甲亦在玉堂上劄劾之上嚴責不允且以玉
堂無長官而無端斥始諫為非時鶴谷洪相為副提學
上章引舊例自列其不能力止堧亦之徃行公於途中
脩陳以恭平生長短且曰昔諸葛亮用許靖曰無其宗
而有其名者靖是也此不過鎮人心之計耳唐太宗之
王珪魏徵亦皆捨其罪用之臣之用以恭取其長也當
以恭柄用之時臣為其黨所構誣甚矣以常情言之則

臣當改以恭而釋憾不當用以恭以致謫而只以今日
唯思奉公耳仍求進職語甚懇已而上下嚴教以朴
炡亦不可仍在論思之地並進其職令該曹隨闕補外
諫院請還收進改補外之命而不允繼而延平入侍措
語失當上震亦朴炡亦特命遠竄目相臣陳劄寢不
行居無何三人皆補外公於進中啓曰羅万甲有偏母
年將八十目不視物惟万甲是依而以其邑近塞不得
俱往或遭終天之慟則有乖於孝理之政請移近邑
上不許

丙寅春翰林學士姜曰廣給事中王夢尹奉詔來公為僨

詔使見公周旋中禮敬重之和進詩章輒稱其絕妙及其歸後因我使行寄公以書卷葛布公西饋時以朝命見都督毛文龍于島中公嘗為毛撰其碑文毛甚禮貌之所言皆從

丁卯春金兵入平山大駕將出巡江都完平以都體察使辟公為副使公先入江都整理隄防且進戰勝方略數千言俄拜八道都體察使四月還以我國險阻山城為最遣從事李景曾于兩西審形便之尤者圖畫以來建明于朝兩西及畿輔山城盡令修築西民之播流者募屬幕府稱以牙兵論糧而養之事定後各送于本土

又就兩西空曠之地廣設屯田歲得穀萬餘石餽兵賑
饑多有賴焉西民頌其德

戊辰夏拜左議政兼世子傳時有一臺官論罷樂安郡

守林慶業蓋慶業以偏裨餽歲于公其實無多而一種

兩名名種煩演論者以為言其論慶業亦出於因公也

公卽引入上命使摘發發論臺官而削罷之公不勝

驚惶連章屢辭其疏曰增長大臣之氣勢消沮臺諫之

風采自臣始上以公不妄為施輕罰

並謚狀

有金趙二家女由私逕入內公啓曰嬪御之選必以法家
名族者所以重侍御嚴壺政而今此金趙之女既非禮

選則明是由曲逞而八也將來之憂豈特為聖德之累
哉盍君心害國政未有甚於此者臣不暇遠引前代昏
朝之事可為今日龜鑑 殿下欲尋亂亡之轍迹而莫
之悟臣竊痛焉彼若無因緣之路則不能自進其陷
吾君於非禮不正之地者果誰人乎論其罪狀固難
容於誅殛伏願 殿下亟斥兩家之女罪其媒進之人
使一國臣民咸仰大聖人改過不吝之盛心被 嚴旨
引入 上遣承旨諭旨甚有悔悟意神道碑
庚午青雲君沈命世用堪輿家進言至謂 穆陵壙中有
水氣其言遂行將遷陵訖者以 英陵弘濟洞為可公

為搖護使建言 健元陵第二罔既有 先王之教今
不可撓衆訟乃定竟遷奉于第二罔人謂公有大臣風

諡狀

自癸亥以來 私親宗奉之訟相持未決適有以 中朝
宋戶部尚書歸示延平者延平進御 上以問諸大臣
公曰自初至今廷議皆以為不可凡事順乎天理合乎
人情則異論何從而生乎周平王太子早卒而桓王立
當時去周公不遠而猶不追崇此甚明證矣 上曰將
奏請 天朝天朝不許則予亦無憾矣公曰 天朝若
以外國之事而泛然許之則豈合於人心乎 上教政

院曰大臣有与李貴不和者終始排抑蓋李公主張甚力故云公即出江上辭遞

甲戌秋 上欲躋祔 私廟而以祧出 成廟為未安訖

以為世室公將諫止子弟門人交謁更諫皆不聽其言視前尤切而其論世室則有曰先儒有言有所為而為者私也夫 中仁明宣實 成廟之聖子神孫豈不念

成廟巍切盛烈可以百世不遷而皆莫之行到今有所為而為之則其與宋徽宗之追號仁宗者不亦有公私之分乎非但 元宗大王之靈不安於真真之中抑恐 四聖之靈亦有所不安也 上嚴旨遞職

並神道碑

丙子三月金國稱帝遣使要我以難從羣情奮激章奏紛
沓迭請斬使金使聞之愕然馳還識者憂其禍急矣四
月起公為四道都體察使五月為八道都體察使七月
拜領議政時朝廷已絕和矣金乃貽書責以敗盟公以
今日敗盟咎實在彼而反歸曲於我此不可不辯請遣
胡譯持國書以入仍使調探其情形而臺論非之譯官
之行留滯灣上公又請催送及還難從之請有加於前
矣公以為斥和人執送亦詔彼既發端未必中止宜速
遣使以示我國不為輕絕之意而不果即送及信使將
發三司爭執謂不可復事霸廢公深慮事機之急又請

速遣公以水合之。後倉卒有驚，則遠道之兵徵發未易。
前所團東三南及江原先運精抄軍五千名，後運一萬
三百餘名，請令西南兵使及春川營將亦領率赴季冬
旬前各駐境上，以水泮為限，且令操練，仍脩緩急而未
卽見施矣。公見敵情異，前請救遼。臣如有敵人渡來而
其數或至百千，則雖稱和，請勿許縱入。若不見從，使之
干戈從事。

十二月，義州報發書至，公卽啓請徵發三南江原咸鏡南
小道兵，又請下諭西邊諸將，令敵不得過安州。西或致
深入，則毋得以城守辭，追躡其後，使不聽有突於。是令

摠戎使整頓畿輔之軍以扈駕且言廟社主不可不
預為之所江華圍籬亦請移于喬桐頃之西警益急烽
烟已斷金先鋒數百三日而薄京城時李相聖求為躬
察副使公謂李公曰晝夜兼程不數日而入我腹內此
兵家所忌募死士逆擊之則可以挫其氣矣遂選幕下
林恒壽亦五人率訓局馬兵及御營炮手四百人使之
迎于要路旋因講和之議不戰而退上將幸江都未
出南城而金候騎已踰沙峴上駐駕于崇禮門樓訖
所幸遂入南漢公與諸將會訖審其面勢之際易橐
上而分守之都監軍軍東城水原軍軍南城摠戎軍軍

西賊卻營軍軍北城軍兵僅一万三千餘城大而兵不足乃以帳下軍校牙兵分屬虛堞又令軍官朴汗男亦領精炮數出戰斬馘頗多城圍日甚汗又繼至雲梯重甲迭襲三面大炮攻城日夜不止而外絕援兵內乏見糧當此之時金亦未嘗不求成而使屢泣望益深朝廷議其報書而難於書式公曰此事極重人不敢顯言臣雖頑然亦豈全昧名分而國存然後名分可設國亡則將安所設名分乎當此危急之時臣則只以奉 聖上脫重圍為急今日此事臣請擔當公泣 上亦泣一曰曉金人招我使臣李相弘胄泣見而還曰其志必欲質

世子而得斥和之人也且首唱斥和者金人自言已知上曰何可忍此公亦言其不忍之說既城上三面之軍捨堞而聚行宮外請出斥和人諭之而不可止俄傳敵兵數百餘上望月始崔相鳴吉入啓曰敵上東峯而我名空堞何以為之上曰事已急矣世子之入送彼旣自初言之世子請自行今可送入諭以此意公曰聖上難於送斥和之人而以世子之入為易此心足感天意而世子雖出事不可辨矣及江都敗報至上泣謂諸臣曰計將安出公曰君臣上下同死杜稷實是古人之格言君臣父子之間何忍為此事

也崔相曰須於今日早決明日急通庶有万一冀矣公
曰若或緣此而得續宗祀則幸莫大矣於是出城之詔
乃定

杞平君俞伯曾曾在山城因北城之失利疏斥公甚峻公
將退伏待罪上遣史官召公八公深自責且云慷慨
之士忠憤所激有何可恠上欲重治伯曾而以其毫
八圍城中不欲論以一切之法只令罷職是年五月俞
伯曾又上疏斥公以誤事兩司從而論之請削黜七月
罷職八月削奪而命自內司致月廩亦異數也

甲申三月二十日夜半訓鍊大將具仁皇孿黃漢李元老

就公卧内具陳器遠叛狀已著多聚力士都監將官及
内三廳武士八直 闕内内應者亦多少緩之則事不
可測公從容指教卽令詣 闕上變又敕大將毋守常
程急發軍聲其罪先剪其羽翼器遠卒死士數十人馳
入 闕手撫劍自死士欲將有所為見其黨已被縛始
乃擲劍於地而就捕焉應機於蒼黃之際立絕其大禍
者公之功也

乙酉 昭顯世子卒逝元孫幼冲人多以為憂六月 上
引見大臣及六卿三司長官 下教曰予病作歇無常
氣力漸不如前艱危日以益甚國有長君 社稷之福

予意欲於兩大臣中擇封世子矣公請問于羣臣

上曰此事領相決之可也公曰臣於癸亥奉聖上撥

亂反正者為宗社也又於山城定計決策者為宗

社也今日之計亦係宗社之存亡臣何敢有異議

上曰卿意與予同矣以請明白下教上曰予有二

子而尤有優劣大臣定之公曰此非臣亦所敢定然以

長順矣上曰領相之言是矣乃命鳳林大君為

世子

並謚狀

冬前察訪李重馨上疏詆斥比公於柳希奮朴承宗上

震怒竄重馨丙戌有內獄公啓曰王法私恩相為重輕

殿下既欲屈思仲法獨不可屈法仲思耶 上怒命
放李重馨曰以今觀之重馨無罪矣公即出城外待罪
俄以大臣言再下 召命或初以即趨申謝公笑曰大
臣去就願以 君上喜怒耶

神道碑

公長不踰中人而儀觀魁梧少時牛溪成先生見於逆旅
中大器之膏肓監試解額又冠別試 宣祖覽其科製
謂筵臣曰年少儒多使兵家語亡亦知兵者耶

嘗以聖節使朝京行李蕭然一卷書亦不之市有譯官特
其親屬宮妾之勢驕橫陵人公重杖之皆為公憂復命
之日果被推勘而不少挫焉白沙李相公晚許公以忘

年至論文苑師垣之寄指先屈於公知公深也玄軒申
相聞公撥亂之報謂人曰吾素竒其眼光矣真英雄姿
也

昏朝之政未及亂也清議推公且八銓矣有一郎官於會
議之日忽歸其鄉蓋塞之也反正後其郎官逮繫逆獄
公力救之得脫焉其寬厚如此

其為體府也有山行炮手數百人隸幕府公試閱犒賞樂
為之用仍令各自告引得精炮數千名後移屬御營及
丙子受命事已去矣而謂禦敵之具莫如鳥銃列邑之
不得教鍊恒由銃藥之不足乃別為節目頒布各道下

三道則以大邑雄府定為都會打造烏銃而分定措辦
皆有條理丁廿金化之捷宗賴於御營炮手云

其處廟堂臨幕府必尊禮貌而重紀律如有違者雖柵貴
不少假借每公會公在班行則人皆嚴憚之初守南溪
時公巡視城上協守使俞伯曾離其信地遂拿入軍門
數罪而黜之由是人不取擅離焉雖幕下軍校正衣冠
而後見之不以褻服相接少許可且不能飲而如遇會
心人則談屑霏霏侑以盃觴和氣藹如也最不喜雜術
迂怪之徒不敢近公門

先議政公有友人姓姜者早歿撫養其孤晉昭如己子公

受之亦如同氣臧獲衣食與之共焉其死也為之經紀
奠祭無憾恤其諸孤恩義甚至

公不事生業一委諸內夫人歿後外方田地多有遺失者
有賜田在安山可數十石之地而拋棄不為修築有一
名宦從公子求之公笑曰清名之士亦求人之田耶遂
與之

公於晚年潛沈聖賢之書如心經近思錄朱子大全論孟
諸書尋繹不釋乎手嘗與土塘吳相論性理說後吳相
謂人曰左相閑居數年所讀幾何而多有窠見得處其
天才不可及也尤好周易日有程課誦讀孜孜曰士君

子尤讀易而後知進退存亡而不失其正如吾者適植
冥行知進不知退屢見貽寔無足恠也

文章天才絕人詩主少陵兼取西崑間以長公之豪逸輔
之韵格清健精鍊無罅七言近體膾炙於世者尤多其
文沉浸乎史遷潤色之以昌黎氏為古文辭氣力雄渾
法度森然墓道之刻得公所為則人亦以為幸筆亦取
骨而不取肉其法出於二王徃徃輝映於碑牌屏障者
公手跡多焉

公前卒之數日謂其孫曰得蒙天恩復出前古欲俟少
間上箋以謝今不可為我已搆思䟽州汝其書呈遂口

號而使書之其略曰區區爰君之誠抵死不泯惟願

殿下敬天怒以祈永命恤民隱以固邦本抑私意以納

忠諫進賢才以重名器一家人不忍即呈臨絕始呈之

上遣承旨問疾且答曰省卿上劄予極驚悼訓戒之

辭無非至論予雖不敏當書紳力行以副卿之至意此

傳公已不省矣聞者莫不悲之

並謚狀

金鼎平天姿豪邁尸局峻整又善文章有智略嘗於廷對

策論兵務甚辯世以為將相才因此雖在昏朝屢入元

帥之望癸亥靖 杜衆皆推為領袖蓋由於是也 仁

祖潛卽時三幸其家以圖大事及事成之後近平諸君

每當論切之際不相遜屈公曰鄙雖無似膏蒙主君

三顧之禮矣未知諸公能得此否衆不敢復言


南溪集
記事

文晦李佑之告李适也諸切臣方主告密李适平崔完城
亦皆以為信而獨金昇平以為寃屢爭於上前适平
怒曰金瑬必與同謀故稱其寃及适反報至昇平大惧
請亟誅被逮人竒自獻柳公亮尹守謙李時言玄楫亦
以絕相應內起之患上從之适平力爭曰被逮之人多
是位高宰臣必無盡与适同反之理至於自獻立節於
大論被竄者何可不為辨白而並戮之上詢于大
臣昇平又入對更請自獻亦四十餘人皆被殺

丙子胡將跣去京城震動金塗洪瑞鳳李弘胄在相位和
事既無所恃戰守亦無所講矣塗無軀察使啓曰虜若
深入都副帥及兩西方伯請置孥戮之典上以軀察
使亦難免重律為教塗曾主斥和之議及承此教反

為和議

羅萬甲
丙子錄



李貴 忠定公

字玉汝號默齋延安人萬曆丁巳生壬午中生負庚寅拜康陵參奉壬辰初拜工曹佐郎 宣祖三十六癸卯登第癸亥反正策靖社功臣拜吏曹參判歷吏兵判官至左贊成封延平府院君癸酉卒年七十七配享 仁朝廟庭

公之在娠權夫人嘗夢異人授以玉尺因謂曰汝家當得異兒以此尺藏諸甕中慎勿開見俄而視之水滿甕中有白龍蟠其中夫人心異之因以盈龍為少字

公生二歲而孤隨權夫人流落南方年十五還京師始知

讀書學文為舉子業時栗谷李先生珥牛溪成先生渾
相與講明道學為一代儒宗公聞而悅之遂委身於栗
谷之門飭躬勸行從事聖學之學略通大意交遊益廣
聲聞始彰兩先生咸以遠器期

自乙亥以後朝論分而為二前輩為西人後輩為東人是
非不定互相傾軋栗谷甚憂之常主調停之論癸未後
輩論訖益激尤欲盡斥先輩時栗谷獨為不可時栗谷
方任大司馬寵眷益隆大為後輩所忌嫉典翰許筠有
宿憾於栗谷因時議不悅上劄誣陷兩司繼發至以誤
國目之栗谷既去朝牛溪痛其受誣上疏救解於是廷

議譁然並與牛溪而攻之朝訖涵涵禍且不測公倡言
於泮宮與多士數百人陳章仲辨宣廟始大悟下教
褒獎自此諺言不得入而宣廟之待栗谷眷注有加
矣

始逆臣汝立師事栗谷假托伎名驟得重望時訖欲引置
銓地栗谷止之及栗谷既卒汝立見東人勢章反附東
人詆毀栗谷於筵中公見汝立詆毀栗谷之書盛有稱道
上疏陳其反戾之狀汝立自言其後又有絕交書公搜
索箱篋書牘又有汝立一書乃前易筭三日書也力攻
東人至有去柙不去根必有後患亦語公又陳章上其

書宣廟下教曰汝立今之邢怨也汝立遂狼貝而遁
汝立雖去而東人之改粟谷益甚公上疏歷舉粟谷與
東人注覆書札明其血誠相告務欲打破朋儔而反小
人所擠縷縷數萬言疏八二十有六日宣廟命招公

詣政院拈疏中說話數款問曰事君無隱古之道也爾
可悉數以對公答以文字不能詳盡請得面對宣廟

教曰即倉卒不能詳盡可退而書啓公曰君父有問而

不卽對非直也卽索紙筆時承旨告東人欲誣公以不

解字故以秃筆給之殆難成畫有院吏在公後暗投一

筆公遂取而書啓

宣廟益嘉之

並崔川崔鳴吉撰行狀

壬辰 宣廟西幸康陵參奉李貴募義兵數十人聞號召
使黃庭殘住鉄原注赴之見廷殘舉措失度不足与同
事五月詣行在上䟽自請不能死於陵寢之罪 上
特命陞叙又陳䟽請對 答曰非不欲見汝予途次氣
力已盡何必面予所懷書 啓貴乃上章請親証 傳
曰脩邊司招李貴訊 啓左相尹斗壽坐賓廳切責曰
此何木時而欲為親証乎貴對曰來此宰臣束手無策
徒為晝睡与其坐而待亡曷若 親証不然請遣肅察
使斗壽曰黃廷殘方聚軍海西亦處不必更遣大臣貴
曰廷殘大失人心不如不送今日朝臣別無奇策而乃

沮親征之計可乎斗壽怒曰國雖危亡亦有朝廷軀
面甬敢廷辱大臣乎貴曰今日亡國非李貴也乃大監
輩亡之而又惡聞人言更欲亡箕城乎李恒福亦啓

請李貴為三道召募官且奉赦文宣布朝廷德義

休寫
離纂

先是大灘失守官軍逃潰號召使捕誅逃軍若干人又行
文列邑囚替家孥軍皆畏匿不出公至則以赦文宣布
德意其家孥之在囚者悉放之於是軍情咸悅稍稍還
集時賊兵彊滿朝廷號令不通民間不知大駕所在或
云已渡龍灣峽中愚氓相聚為盜劫掠官府至於執縛
宣傳官奪其標信公先送檄文宣告召募官某率義兵

某日當到伊川本縣亦抄軍以待羣盜聞之稍稍散去
公至縣羣盜皆公求自效遂脫宣傳於死而還其標信
具由聞于行朝江原京畿之民始知有朝廷矣

公在安峽巡邊使李鎰在兎山傳聞有尊貴之行由谷山
取路而東公曰此必世子自關西出來也促駕而行
夜到兎山直入李鎰寢所告之故求与偕往迎之鎰怒
曰大朝渡遼世子已行江界寧有東出之理終無
意往迎公獨領所募義兵前向谷山果逢世子之行
蓋先海以世子承大朝監撫之命出向南方而衛士
孤弱道路阻梗世子甚以為憂及見公大喜面加慰

諭仍賜以退膳公卽分饋義兵軍情益喜世子特陞
公尚瑞院直長又褒聞于大朝遂超拜工曹佐郎未
久有旨召公公到肅川謁見為陳恢復之策宣廟甚
悅特賜綿紬以褒之行狀

天兵初渡平壤以李貴為宣諭官督運三道芻糧給軍門
貴行到開城府劉提督接伴使李德馨啓請為從事
官時天兵駐坡州馬料乏絕提督欲罪休察使以乏軍
興之律李貴自薦曰事急矣若用愚計馬太千餘石運
芻夫馬數百不難得矣休察使劉泓叱退曰此非戲言
之時爾有何策可能辦此乎都休察使柳成龍止泓曰

此人有所見因問其策貴對曰頃者東宮在伊川李鎰所率伊川平康安峽兎山亦邑官軍聞急報一時潰散皆籍逃棄朝廷若欲盡行軍律則不可勝誅輕宥則軍令不行今若止令步軍一名運太五斗到開城准役十日赦其罪持牛馬運太一石者役五日則赦其罪太則以峽邑儲倉發運而先運私太者以官太准給刻日定限毋得失期則人皆樂趨軍法亦行矣成龍大以為然具由狀啓遣李貴替其事牛馬三百頭軍人六百名及期運太七百石於開城府成龍大喜卽以貴為

府都檢察官

休窩
雜纂

癸巳拜長城縣監時湖南盜賊蜂起古阜郡守尹先正平
六邑官兵與賊大敗賊勢益熾公到縣抄得精壯踰為
膳勇軍遇賊衆馳霆疾無不一當百賊大惧聞膳勇軍
至者無不望風駭散遂捕其渠魁斬之寇患乃平公遂
簡閱邑兵教以浙法大築笠巖山城儲峙糧餉器械以
備倭觀察使御史相繼褒 啓賜表裏一襲且命陞叙
丁酉倭寇再肆朝廷有去邠之義迫於天將不敢發 宣
廟命世子先奉 廟社以行公時居安峽聞之大驚亟
馳赴之則 世子已到朔寧矣公見講官閔夢龍責其
不能諫止且曰若使朝廷有人不久將有召還之命盍

姑待之仍請面對 世子辭不見遂行公追到兔山伏

路左痛哭而退俄而召命下 世子乃還

並行狀

時天兵滿城 中殿令駐遂安經費蕩竭領相柳成龍戶

判金帛招李貴於脩局問調度事貴畫十餘策諸宰可

以為可行 啓請李貴為京圻江原黃海三道宣諭官

將行 上見事目傳曰李貴心虛之人此事目敢當與

否訖 啓脩邊司回 啓李貴自初宣力國事多有功

勞此事亦非此人不可其所條畫姑且先試三道然後

行于他道云云李貴上疏辭不敢當任使 上下教曰

不可以渠之辭辭遂為更改斯速發送李貴既行調度

米太一萬五千石

休寓
雜纂

辛丑以肅察使李德馨召募官出巡嶺南時鄭仁弘在陝川負名驕恣巡察使以下歛避莫敢誰何公聞而惡之比到安峽邑宰不為出迎公詰其故吏以出待鄭參訊為對公怒曰候我公也候仁弘私也仁弘何人乃敢威制守令若是乎遂移文數罪仁弘大怒亦無柰何以公牛溪門人嗾其徒文景虎疏斥牛溪指為奸倘於是

天威震疊一時名士大夫綢打盡矣未幾宣廟擢仁弘為大司憲公疏陳豪強十罪疏入不報公因此罷職然眷遇仁弘亦自此頓衰仁弘失意而歸於是士褐少

已仁弘素以仗得名及公數罪激禍僭反頻歸咎於公
及其晚節釀成倫紀之變人始服公先見

授安山郡守郡內有內需司奴婢皆冒法渡戶公執不許奴就
訴內需司持少印文書稱內旨令依前給渡公曰苟有
上命當自政院出少印內旨外臣何敢發視遂拒而不
納

辛亥陞通政壬子丁外艱廬墓側時主昏日甚奸宄交構
兩宮癸丑國舅廷興府院君金悻男被誣逮係光海擬
以極刑漢陰李公德馨白沙李公恒福俱在相位心悶
其寃而不敢救公乃移書漢陰曰禍及國舅若 慈殿

何不救正興之死則雖欲力遏廢論無及矣漢陰答曰
事勢不便柰何公又以書爭之曰自古弑父与君皆出
於事勢之不便漢陰嘆息而不能從

並行狀

鄭仁弘亦欲構殺李貴喉李爾瞻朴棹亦先以削奪官爵
黜送門外論之主不聽特令推考問其情案其問目曰
李貴本以兇悖之人自前傾陷士類非止一再曾構相
臣鄭仁弘指為叛逆已極叵測云云李貴力陳平生行
事及前後盡忠之事其言幾累万直陳無忌雖涉自譽
實無可罪之事故遂寢

錄月

丙辰海州牧使崔沂為人誣告將下獄親舊不敢省視公

往見之因得罪配伊川廢母之論始於癸丑而因人心
不服久而未發及戊午正人斥逐殆盡賊臣甬瞻脅百
官庭請去大妃號謂之曰西宮錮閉宮門内外不通
先海意猶未滿必欲加以不測於是許筠白大桁亦希
先海意欲因作亂事未成而以他罪死民門相傳大
妃已不諱人無不扼腕流涕者時公在謫無聊常往來
溪山得一竒石名之曰龍岩膏題一絕曰吁嗟龍芳德
何衰長卧波心世不知莫笑隆中諸葛老殷勤三顧豈
無時其子時白和之公見而喜之曰可謂父子知心矣
遂與時白及其弟時昉密有扶宗社之志

已未因赦放還寓居西門外申平城景禎適來語及時事
一言相契卽招時伯与之定議蓋申公与金昇平塗李
完豐曙具綾城宏諸公先已有此計而未敢發至是約
始定是秋公適拜平山府使引平城為中軍与完豐合
謀舉事期日已定會有泄其謀者兩司請拿問公光海
疑不信只令罷職始論猶不止公將待命京中路過長
湍之赤壁顧謂二子曰昔蘓洵与其子軾轍過岳陽樓
曰卒天下文章過此橋吾今與天下節義二子過此地
豈不優於蘓家父子之文章乎公之赴平山鳴吉亦与
其謀及聞謀泄惧甚終夜不能安枕馳入京見公于城

西第公隱几而卧令婢子梳頭言笑自若鳴吉之心始
少安焉時禍機尤急賴有行計宮中者以故事得已新
豐君張維適到京聞謀慮有士林大禍詣公第劝公速
還鄉庄公以義責之新豐始大悟

時大將李興立將禁兵而勾時相朴承宗為姻家諸公憚
之不敢輕舉新豐之弟今巡察使紳為興立贅壻公因
勸新豐令喻以義理興立慨然許之新豐回報公大喜
起拜謝之遂令興立為手書約長湍起兵而興立為內
應約既定公先到弘濟院會有上變者諸公因此多汲
期衆情疑惧公意氣自如部勒軍兵以待諸公畢會奉

主上由彰義門以入禁兵皆棄杖來歸曰生民自此
活矣即癸亥三月十三日也時光海在昌德宮而幽

大妃於貞洞行宮即所謂西宮也始諸公相議曰西宮
湫隘難容人衆不如奉注昌德宮以定位號公獨曰此
事光明正大寧有別慮且主上不躬請而使人奉迎
於理有違不如留兵昌德宮而主上親詣西宮問安
仍請復位於正殿數光海罪而廢之如昌邑故事可也
諸公不以為然是日公承命与都承旨李德淵脩儀物
詣西宮奉迎大妃不許公使其子時白白上上即
命駕詣西宮問安大妃遂下冊立之命翌日拜吏曹

參判

諸公議定大將公自以年老而昇平有威名讓而不居及是上特命公為京城扈衛大將李曙李适李興立亦皆屬焉不受節制者令先斬後聞時庶事艱創人心危疑六曹百司未及置負凡所設施皆出公手申景禎為副將金自點沈器遠沈命世宋英望亦為從事募選都民一日得三千餘人分番教鍊以備不虞始諸公相議曰今日之舉為明倫也若因而當國用事是与昇公者無異各有歛退之意公獨曰做此局者當此局若付別人終必有悔諸公不能聽信故朴興耆趙挺亦皆以昏

朝助惡之臣仍處相位初頭處置多失人望識者始知公有先見也

副提學鄭經世於途中誦尚書功懋懋責德懋懋官之言諷上修撰趙誠立亦曰勲臣自勲臣士類自士類公聞之啓上曰聞兩臣有所云云臣亦請退去上曰范蠡之扁舟句踐之過也張良之赤松漢高之失也此豈勲臣辭退之時乎即日命招趙誠立令詣第謝失言時毛帥差人孟推官者在館性貪要素銀貨甚多朝議以為反正之舉本自光明正大待天朝人當以禮不當以貨公爭之曰天朝隔遠外藩事情何以得知之若差官

怒而搆誣我則事反難處矣諸公不以為然其後果被
差官謾詢朝廷費力伸辨久而後乃釋

毛帥在檄島惑於孟推官之謾言公上疏請自注分疏兼
察西邊軍政 上答曰卿為國請注關西至於再三良
用喜悅但卿不可離京遠注也公又上劄曰天下安注
意相天下危注意將今奴賊十萬之衆隔江思逞反反
之徒相聚俟釁臣恐戩戩之患朝暮且急也又以平日
所著論兵之說書諸一冊以進

仁賊君珙 宣廟第五子也先海廢母收訖時珙力贊廢
論以媚先海反正後收議庭請之人輕重得罪 上以

珙至親特貸之時國事初定人心危疑有李有林者謀
變事覺供稱將以珙為推戴 上命勿問公於筵席諫
曰珙於收訖獻弒逆之議庭請為宗戚之倡自絕倫紀
罪在同赦今日不問推戴之教將啓 宗社同測之禍
上不答公又上劄曰五倫之中君親居先人而不知
有君親在法殺無赦珙之於 大妃義則君臣親則母
子以母子而請弒君母為倫紀之罪人而今又為凶賊
之竒貨 殿下曲為全貸非所以為 宗社計也疏入
不報

副元帥李适持重兵在外使其子梅陰結失志之人約為

內應有人上疏告變先捕在京黨與按問皆不虛辭連
領府事竒自獻知事柳公亮同知全有亨俱係獄未及
供招鞫廳以适勲臣疑不信只請逮梅公曰使适無是
謀則已不然其父將兵在外而只逮其子彼豈肯僞首
聽命乎不如並逮父子有冤則俾還任所有何不可諸
公不從公於榻前抗聲力爭言頗過激遂被推考之命
使者至寧邊捕梅适陳兵斬之遂反報至朝野惶駭
上卽引見公曰悔不用卿言致有此變卿料今賊勢如
何公對曰适素悍勇國之精兵盡在其麾下誠難與為
敵而黨與多在城中恐有意外之變不如奉 大王大

妃移御江都

殿下親率三軍禦之

上問大臣大臣

以為不可而止時賊勢日急朝議以為在京被逮人不
可一一按問宜盡殺之以絕禍端公爭之曰國事雖危
急獄体何可不顧且殺一不辜王者不為今不問而斬
之恐有橫罹者後必有悔諸公不從公又曰竒自獻立
節廢論且為大臣尤不可疑似逃加刃鋸遂縊殺之

賊入黃海道

上命公出視臨津防守公至坡州聞賊兵

且至即促駕馳赴臨津守兵皆潰賊已渡灘渡兵公遂

馳還詣闕

上引見便殿執公手曰不用卿言致有此

變計將安出公餒甚不能對

上命小宦取飯而饋之

公曰事急矣請於當日渡漢以避其鋒上卽許之渡漢二日而賊入城矣言者論公前視事臨津不能替諸將把守噫然攻之玉堂又上劄請罪上不許只命白衣扈駕朱幾特命叙用車駕還京公自以臨津之事不過承命視師原非領兵之將而言者論罪過當卽退處江舍陳疏自白仍乞骸骨上答曰此非元勳辭退之時卿其勉輔寡昧以濟艱危仍下公劄于大臣大臣回啓曰玉堂之論李貴辭極過越然豈有搆陷之心哉李貴以此乞欲辭退亦未妥請命招察職上批曰李貴實無死罪而論之太薄設無搆陷之心豈不非哉其時

陳劄之人違職可矣時公在江舍上問饋不絕召命
屢下公上劄曰臣氣質難變舊習猶存豈可更入朝端
惹生風浪乎上曰卿乃與國同休戚勿存社稷之重
臣國家危亡安忍坐視不救乎仍遣禮曹郎官敦諭公
不得已入城上劄辭職且曰自殿下龍興以來苟有
一得苦口極言至於榻前流涕而不知止廷臣皆笑其
狂妄臣言雖驗於後日而無及於目前上答曰觀卿
上劄予甚靦顏不用卿言貽辱宗社惟予之過於卿
何有卿須益殫赤心以紓時艱

始迺獄之起上變者及其黨與引服者皆以珙為言公以

為珙之與賊通謀雖未能明知而危疑之際屢出賊口
不思先事隄防非得計亦非所以全珙也乃上劄曰珙
既負廢母之罪不可以至親而貸之且以頃日獄招言
之托以科業居接隣家与仁城昏夜相逐云者尹仁發
之所以言於文晦也光海之築宮於仁王山下是卽仁
城為王之兆云者鄭邦詭之所以言於李佑也舉事之
後擁立仁城第二子云者韓訢之所以言於金光燭也
設令珙不知豈可不思先機處變之道乎不幸而變出
意外大亡用甲兵小亡用刀鋸豈所以存全之道乎疏
八留中

公曾在癸亥以昏亂之餘田制不均軍政多紊欲行號牌
量田法以為整頓軍民計屢陳榻前事將施行因兵亂
未果至是又上劄建請上以變亂纔定不許

乙丑 王世子冊禮成公在江舍自以元勲未參盛禮望
闕涕泣及公入城世子即命招見公引畫講入侍啓
曰今日得見東宮容儀夙成真宗社之福也第聞
方讀十九史略臣意帝王之學與凡人不同心志未定
之前必以嘉言格論日陳於前方有德器成就之望請
依先仗定論先讀小學四書以及史記又請以金長生
張顯光朴知誠為輔導之官又擇朝臣之子年幼端良

者居常侍奉誦讀文字以期成就之效

憲府風聞 王弟綾原君殺人啓請查治其宗所殺者宮
奴也國法殺其奴者減其律不以殺人論 上以憲府
搆陷王弟震怒並遽言官公上劄陳曰綾原君殺人之
事蒼言籍籍言官隨聞請罪有何搆陷之心 殿下輕
蔑治諫無異庶僚言涉貴戚則無曲直例下峻批臣恐
中外有識之士有以窺 殿下之淺深也 上答曰劄
中所陳無非格言益嘉卿愛君之忠

玉堂論大司諫南以恭不合憲長吏曹判書金瑬以年少
輩不與長官相訖徑為上劄恐啓不靜之端於這中白

上上疑其黨論而其惡之應教朴矩俞伯曾校理羅
萬甲並命補外三臣者皆當時之望一朝遽貶摧折太
遽聞者咸駭大臣政院三司爭之皆不聽公上劄曰南
以恭粹拜憲長人皆致訝玉堂所論非有他意 殿下
謹斥太過至有情外之教甚未安也又於道中爭之仍
歸咎吏判 上曰天使將至姑捨是先訖接待事可也
公曰 殿下何為托他事而不欲聞臣言乎此事所係
非細不得聖教則臣不敢退仍極陳矩亦冤枉 上不
答南以恭在 宣廟朝夕處柵要及癸丑之變以非罪
被謫金瑬在銓曹務為調停之論仍推轂以恭後革多

不悅遂有玉堂之論金瑩慮其有弊而裁之公又以朴
為亦素有直名不欲摧其論事之氣二者各有所見而
議者多以公言為是

時軍額多耗兵曹訖行籍軍公建議曰民散久矣今雖籍
軍勢必逃散終無益也宜先打號牌法丁壯有恒產者
定役貧者稱餘丁歲出布一疋充軍需兩班中健者稱
武學俾習武藝為別隊弱者為保率處置各有條理則
民不怨而軍額自足矣劄凡三上皆為當事者所沮
上意亦以為難行一日朝講極陳號牌籍軍利害仍及
朴為亦事涕泣慷慨語多侵金瑩上盛怒曰日晚矣

速罷經進公又進言曰 殿下怒臣令退然不盡言則
不敢退也臣忠憤無他膽曾與申欽鄭經世張晚亦爭
辨過當至被譴罰而事當兩無疑阻者所爭公也今金
瑊不能釋憾雖欲同事不可得請從此辭矣 上又不
答既罷 上下教曰李某恃功驕恣慢蔑朝廷事極可
駭先罷後推以懲勲臣縱恣之習朝議決意籍軍將差
遣御史公時退居江舍又上劄爭之 上意乃悟定行
號牌之法行之一年民趨役恐後始言不便者到此皆
稱便

公引見語及邊事 上曰卿嘗謂西邊姑無患今年事勢

如何對曰今年則似無邊警臣竊欲於關西復設五鎮管法募集土兵修築山城使守令各卒其民入守拋險清野以逸待勞勿徵南軍以固根本方為禦賊之長策今者合一國之力專守當路一城或不能守則他無所恃賊必長驅如入無人之境非計之得也臣從前屢請自注料理而聖上終不允許若蒙採用此策則邊上幸甚上曰抄發南軍萬餘姑勿赴防今於境上待變何如公對曰賊未來而先發內地軍兵雖未入妨其勞民動衆則一也時廟堂以西邊為憂三南軍兵並令留待境上朝命已下矣上因公言大悟卽停之

十月因求言上疏曰上年迺報之來上下蒼黃其在獄三十八人未暇查問一時誅之其間豈無抱冤者臣竊見殿下前後治獄例存欽恤生而被罪者次第見宥死而抱冤者無路得伸王者之政豈以生歿有間哉 上答曰卿言是也卽命大臣訊之竒自獻柳公亮全有亨玄楫亦皆得伸理公議多之有亨之鑄聞公之沒為之心喪三年哭泣悲哀如喪父

上之初卽位即下所生父母屬號訖定之命禮曹判書李廷龜副提學鄭經世亦以為 上以支孫繼祖統是與為人後無異但以孫繼祖非如以侄繼叔之比父母之

稱不可改也於是追尊 元宗稱大院君 仁獻王后
稱啓運宮稱考而不加皇字稱子而不加考字其祭式
依德興故事以 上第綾原君輔主其祀時金長生朴
知誠皆以伎臣被徵入見而兩人所見又不同知誠以
為既稱父母而以弟主祀於禮有違喪必三年祭必自
主朝廷指為迎合譁然攻之知誠遂棄官歸鄉長生上
疏以為帝王繼統与凡庶不同雖古者以兄繼弟亦稱
為祖禰主上稱考於 宣廟稱伯叔父於所生方為合
禮 上下教曰有祖而後有父有父而後有身長生之
論亦不得行矣自上年冬 仁獻王后疾篤朝廷預設

服制而禮無可捫諸說紛紜或云當用庶子為父後者
為其母之服或云當用為人後者為其父母之服或云
當用父在母喪之服訖未歸一及是 仁獻王后薨

上命禮官定行三年之喪於是大臣三司伏閣爭之連
三啓不止 上不不得已遂下杖期之命諸公仍固請降
為不杖期 上終不許公於闕庭力詆大臣退以上劄
略曰 宣祖王子十四人臨海無後光海父子以罪廢
大院君即其次也即禮所謂合立者也今 殿下以大
院君長子建大功承大統若是大院君在世則 殿下
之讓位如玄宗之於相王今雖早世子之於父豈可以

或生而有間今之議者以宣帝之繼昭帝為此則大不然宣帝之於昭帝從祖也既後昭帝而又考史皇孫是二本也 殿下以宣廟長孫直承正統有何二本之嫌以傍支繼正統則為本生父母降服不杖期禮也以長孫承祖統而合立之父待以伯叔欲以為人後處之此金長生誤認禮文之言而舉朝靡然如李元翼以元老之臣亦主其說至以去就爭之其無識見可知也且當初訂禮既以稱考大阮君稱祖 宣廟為定則是不以為人後處之也既稱父子而降為伯叔父之服果合禮經乎臣又見庭請啓辭曰稱考者柎耳不得已之稱

稱考為何事而可以稱之乎此所謂求其說而
不得者也李元翼素有人望而識見非所長故頌於啓
運宮疾劇之日 殿下欲祈禱山川元翼以為僭禮而
止之夫諸侯祭封內山川禮也 殿下為一國之主不
得為其父母祈禱於封內山川乎

丁卯虜兵深入要和劉海請見庭議執不可崔鳴吉於
榻前啓曰覩虜求和似出實情而劉海請見甚懇為
宗社大計屈意一見似無所妨 上遂決意見之自此
和議定而衆情益激攻和之說始起鳴吉既被劾而去
廟堂諸宰稍稍變其初說公獨挺身當之與臺諫爭論

於榻前曰不能戰不能守而又不能和則將置宗
杜於何地且曰今之廷臣孰不欲和事之成而外為大
言圖免時諉此非事君以直之道至於涕泣憤罵聞者
莫不駭怒而不為動一日於榻前李繫力言和事之
非語多侵公至謂之逢迎公曰今日和議與宋朝不同
岳飛有滅虜之勢而秦檜主和殺之故為千古罪人今
李繫無岳飛之勢而徒能大言乃韓仇胄之類也既退
臺諫以公面辱言官論以罷職上只命推考

拜判義禁時有定配罪人初配湖西臺諫以罪人家与配
所相近請移配西邊公上劄曰徒年非重罪若移西邊

則是律之遠竄也朝家定罪各有其律不可以一時好惡而輕重之上答曰臺諫言是也卿文過爭辨無乃不可乎公上劄曰臣所執者法決難撓改請使他臺上改定配所上下教曰李貴雖重臣亦一臣子告君之辭不當如是無倫遂命改差公詣闕啓曰臣之欲守王法實出於為國盡忠之心而反為無倫之歸辛毗之裾朱雲之折檻中主猶能容之以聖上之大度不能容一垂死守法之老臣乞賜骸骨歸上以安心行公為答

國家自有朋黨以來垂六十年上自初卽位深惡其習

搢紳間有言涉黨論者皆斥不用以此排軋之風少止而徃徃有形跡太拘之嫌公以為善善惡惡得其當則朋黨自消專務包容而是非不白亦非為國之道乃以癸未風雨錄丁亥萬言疏上劄投進上答曰黨之一字雖朱子之言予亦惡聞卿勿浪言公因此辭職其後八晝講啓曰殿下頃日答臣劄曰黨之一字雖朱子言予亦惡聞聖賢之言何可輕為非斥上曰大賢以下其言未必盡善如孟子之言徃徃不無後弊公乃退而上劄曰殿下不求大賢立言之本意反以有弊為教臣竊惑焉殿下徒有惡黨之心而未知破黨之要

仍以朱子與留丞相書書諸劄尾以進 上答曰後世
之人不識朱子本意徒以引君為黨為心則其弊有不
可勝言者故予不敢默無一言

庚午二月傳聞奴兵犯皇都朝野惶駭而未知虛實 上
避正殿以待之公請闕 啓曰君臣之義父子之倫乃
古今之通誼天地之常經今日皇城被圍之報雖未必
的知而既聞其言則當先按發軍兵以俟 天朝徵兵
之命若欲求待的報而發兵則緩不及事矣又曰既聞
君父被兵豈可以傳聞未詳而不思預講勤王之策乎
臣職是主兵自聞此言廢寢與食躬詣 闕下敢暴愚

衷上下教嘉獎卽令廟堂設處廟堂以姑待的報為
請公累上劄爭之言益剴切識者韙之

辛未上引見靖社元勲於春輝始而不令承旨史官

入參東宮伏於左兩大君伏於右上親執爵以勸

勲臣如家人禮金瑬曰今日承旨史官不八甚為未安

公曰臣意則不然殿下不為此亦事故國勢如此矣

因歷陳祖宗朝待勲臣故事蓋公常惡朝廷太拘虛

文而君臣情義未免阻隔故其言如是酒酣公進曰臣

欲起舞惜無聲樂上曰雖無聲樂亦何妨益上特

為慢詔以戲公而公性直不悟強欲起舞而醉未能也

並行
狀

七月延平府院君李貴劄子臣前後所爭祖子孫相承正
統古今天下安有異訖張維鄭經世張顯光輩所引諸
說皆為人後之君私尊崇其所生父母者也與今日

殿下之承宣祖統不為人後者大相不侔而廷訖惑
於無挾臆說卞爭此禮為立節無異矮人看塲使莫重
大禮迄未歸正此殿下之所至痛而有識臣民之所
共憤慨者近日廟堂所講論者無非軍務之事而臣之
所先見者明父子大倫也大倫一定而天下之父子者
定矣臣之一劄二劄至於三劄而不知止者無他欲明

大倫於天下万世也廟有二高祖又無櫛位前古所無之大變定此大禮一刻為急伏願 聖明令大臣速為

議定以明大倫

榘錄

公膏於 筵中啓曰 殿下欲定大禮

正統則須先召朴

知誠引用所見明正之人然後是非可定也又曰小臣若為吏判則如朴知誠者布列朝廷何難於定此禮乎無何拜吏曹判書持平吳靖論公銓長之除出於 筵中自請有曰天官冢宰為任如何而人臣敢以私求人主敢以應求哉 上下教曰李貴之自薦殆無虛月若因其自薦而應求則為相亦已久矣以自薦為非則何

以到今始論以應求為非則兵判時何不糾正也公上
劄辭職曰臣非不知朝廷之上禮讓為重而見 聖上
卽位以來國事日非時事日難是非不明大倫將晦臣
誠慷慨憤懣爭是非於大臣則時肆詆罵不知大臣之
為重爭是非於君父則極言竭論不知君父之為尊至
於見大臣謀國之不臧則寧欲身當大臣之任見銓曹
用人之不公則寧欲自居銓衡之地榻前自薦非止一
再以此君上見輕同列笑侮臣非不知而欲禁不得臣
之實無好爵之心國人所共知也然臣既稟有是言而
除拜之命適出近日躔之致疑亦或然也執義金世瀛

掌令李炯朴安悌亦繼發請罷之論上特命並補外公不自安力請辭退不許

壬申冬金汧移書恐恟朝廷議增歲幣公上劄曰謀國之道戰守和三者而和者乃戰与守俱不利然後不得已之計也徒恃一和字而無意戰守則國必危矣仍陳兩西兵使專守一城之失計祖宗朝平安兵使設營於寧邊体察使張晚以安州當賊要衝遂移兵營於安州公屢爭之而不得及丁卯之變安州城陷兵使南以興自燒死賊退後朝廷改築安黃兩城仍為兩西兵使入守之处公又苦口爭之盖公意欲於兩西諸邑各設山

城賊來則入守去則出耕而兵使為遊軍應援諸城方
為万全計故終始眷眷不已十二月又上劄陳分兵農
擇將領復鎮管抄選兵挑除清野凡十四條 上下其
劄于脩局公既与脩局相左而忠憤慷慨見其言之不
用徃徃輒加罵詈脩局亦頻苦之回啓曰兵難遙度騰
送劄本於兩西監兵使參以道内事勢處之 上而事
涉推諉不允於是更為回啓曰分兵農一款不可輕訖
據除清野亦事請令帥臣着察施行皆推托之言也
公自少慷慨有大志以經濟自期 宣廟朝數上書言事
人多嘲笑目之以疏魔坐此拓落不偶以至白首遭逢

以來感激奮發欲大有施設所言皆經國大計諸公多
以為濶於事情而 上亦疑其不適時宜雖不能一一
採用遇有大事則必召公決之其於事君之際專以勿
欺為主至於屋下私談不欲令 上聞知者靡不上達
故人皆憚之雖親愛公者不敢以私語及於公登對之
時言及朝廷縷縷不止繼以涕泣史官疲於記注進臣
倦於聽聞惟 上察公惓惓不以為過也其心虛而無
物其氣剛而不詘其言質而不華其慮事遠而不求近
效其忠君憂國之念發於至誠可證天日所謂可大受
而不可小知托六尺之孤寄百里之命者其在公歟

並行

狀

己丑汝立之獄李貴謂辛慶晉吳允謙鄭曄亦曰逆賊出
於東人治獄一事自上必專委西人而西人中位高望
重者惟鄭松江一人而已松江雖有清名雅操而力量
不足不能鎮定浮薄之輩則此西人他日無窮之裕吾
欲言于松江未知僉意何如皆應曰諾貴遂與慶晉偕
至鄭澈家謂澈曰此時治獄雖以亡師當之猶恐其鎮
定之難况大監乎設使大監处事十分無欠自東人視
之必不滿意大監其亦知此乎澈曰君亦之言正如吾
意吾何敢不盡力乎及辭退貴又曰大監若信吾亦之

言事事協於人心則吾亦當更見大監矣不然則大監之門永絕吾亦之迹矣未幾澈為委官推鞠之際時或沉醉戲談頗失人心貴數月不洩見一日於路上澈見貴令下吏固請之貴与成文濬偕至其家極言時事乖悖之狀澈掉頭握手曰君之前言極是極是如此輩非吾所能鎮定也嗟嘆久之

當鄭彥信之罪犯欺罔也臺諫以按律論啓時成渾欲上章伸救而未及陳達李貴為攸生時徃見渾謂之曰先生雖欲陳疏始諫時方論啓今明間若蒙允則事未及矣不如貽書委官言于始諫使之停啓可也渾卽為書

授貴直送于鄭澈澈曰吾意亦然但主論臺諫崔澆與
吾情好不密難以書通君可為我傳說貴卽往崔澆家
因其子有濟告以鄭澈之意澆以貴為動挫始諫與同
僚具成亦將欲避嫌請罪貴適遇具成於金長生家責
之曰吾與鄭協自少相切洞知其家無與逆謀故盡力
周旋君於鄭協亦為故舊而不能立異以救其父反以
我為動挫臺諫欲避嫌請罪朋友之道果如是乎並牛山集
余居家待客常以任真為貴不主末禮故親朋亦知此習
一日李長城玉汝官罷歸鄉道過京城訪余於家適余
不在玉汝勒馬臨門呼女奴分付曰為我語吳嫂我俟

令公歸家卽當再訪我管下奴子幾名馬幾匹可照此
數具夕飯待之萬勿違誤未幾余自外至則吳娘笑迎
曰人謂長城迂濶今果驗矣進賜不枉而勅我具飯如
自己老婢少無難色俄而玉汝携妾叩門狎坐中堂進
飯相嚙不知有主客之禮

雜記

卷之四

